



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNU DE PAULI

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

SA FESTA DE SA MÙSICA

Sa Festa de sa Mùsica (de su frantzesu *Fête de la Musique*) est un'eventu de mùsica ca arruit su 21 de làmpadas de ònnia annu po afestai, in prus de 120 natzionis de su mundu, su solstìtziu de istadi.

Stòria

Sa Festa de sa Mùsica nascit in su 1982 gràtzias a sa faina de su Ministeru de sa Cultura frantzesa, cumentu sinnu de una politica po sa mùsica noa me in sa natzioni, apustis de una circa chi marcàt ca “is frantzesus teniant prus de cuàturu millionis de ainas musicalis” s'in prus no imperadas, ca arriscànt de acabai is s'àliga”.

Sa primu Festa de sa Mùsica dd'ant fata su 21 de làmpadas 1982, cumbidendi musicistas, amantiosus e profesionistas, a pigai unu strumentu e sonai po mes'ora, intre 20.30 e 21.00 a de noti, in calisisiat logu pùblicu.

Sa Festa de sa mùsica in Europa e in su mundu

De candu dd'ant incarada, sa festa s'est pesada sèmpiri de prus. In Frantza nc'at prus de 18.000 eventus de mùsica ònnia annu, cun giai 5 millionis de musicistas, atirendi prus de 10 millionis de spetadoris.

Sa Festa de sa Mùsica in su 2020 est giai in 120 natzionis, chentza de perdi sa mira populari e sa grandesa locali, a misura de su logu chi dd'arritit.

Sa Festa de sa mùsica in Itàlia

In Itàlia, in is primus annus noranta, parìcias citadis ant pigau in consideru sa festa. Sa punna est cudda de offerri, a personis diversas, is logus insoru chi amostant sa vida sociali, polìtica e culturali de una comunitadi.

De su 2016 su Ministeru de sa Cultura promovit sa Festa de sa Mùsica in su territòriu natzionali intreu po mesu de s'AIPFM (Assòtziu Italianu po sa Promotzioni de sa Festa de sa Mùsica).

Su 21 de làmpadas, dii de su solstìtziu de istadi, sa mùsica si spàina me in is arrugas, pratzas, cortis, cunventus e logus no fatus po eventus de spetàculu, cun mira de afestai ònnia genia de mùsica, de oindì o clàssica, ca movit scolas de mùsica, cunservatòrius, assòtzius, orchestras, bandas e diaci nendi. Sa Festa de sa Mùsica si fait fintzas in is spidalis e presonis, in is logus de difficultadi sociali aundi sa mùsica fainat s'integratzioni e sa coesioni sociali.

In Itàlia sa Festa de sa Mùsica aunit sa genti e afòrtiat is baloris de citadinàntzia a livellu locali, amellorendi e favorendi un'arrelatu intre citadinus, entis e aministratzioni. Ancora is nùmerus amostant ca in Itàlia is comunus prus piticus ant adderiu meda, ca sa mira est cudda de pinnigai a pari momentus de

coesioni e legàmini sociali.